

Headline	KISAH TEKSI WANITA & NASIB SURI RUMAH		
MediaTitle	Berita Harian		
Date	10 Dec 2011	Color	Full Color
Section	Supplement	Circulation	192,982
Page No	21	Readership	1,521,000
Language	Malay	ArticleSize	327 cm ²
Journalist	N/A	AdValue	RM 14,406
Frequency	Daily	PR Value	RM 43,218



KISAH TEKSI WANITA & NASIB SURI RUMAH



T pernah gerun nak naik teksi. Beberapa kejadian buat TT seram sejuk

apabila terpaksa ambil teksi tapi nak buat macam mana kan, itu sajalah pengangkutan buat TT masa TT mula-mula kerja dulu...nak beli kereta, tak mampu.

Apabila TT naik teksi, TT lebih selesa duduk di belakang. Bukan sebab nak rasa macam bos, ada pemandu, tapi rasa macam selamat sikit. Duduk dekat-dekat dengan pintu, tangan tak jauh dari pemegang pintu. Kononnya, kalau apa-apa jadi senang nak buka dan terjun...selain catat nombor pendaftaran teksi, itu tabiat TT. Kata orang, berjaga-jaga.

Satu hari, TT tahan satu teksi ni dan macam biasalah, nak duduk belakang. Pemandunya lelaki, tiba-tiba kunci pintu belakang dan buka pintu sebelah pemandu dan marah-marah paksa TT duduk depan. Alamak, sekejapan, naik semua bulu roma TT, seram. Apa kes dia ni? Lain macam benar... eeeee...tidaklah TT naik.

Pernah juga satu kali tu, TT rasa alahai panjangnya tangan pemandu teksi lelaki ni. Unik betul cara dia memandu. Satu tangan kat stereng, satu tangan lagi boleh sampai kat kerusi belakang, kat tempat TT duduk. Macam orang nak meraba la pulak, betul-betul buat TT tak selesa.

TT percaya bukan TT seorang je pernah alami benda macam ni, ramai juga lah golongan TT kat luar sana pernah, mungkin jauh lebih ngeri daripada apa yang TT alami. Jadi, TT rasa pelancaran teksi wanita, baru-baru ini, sememangnya berita baik buat kebanyakan golongan TT, kan? Tak payah dah rasa takut-takut nak naik teksi, lebih-lah lagi kalau dah malam-malam tu.

Malam-malam ni banyak sangat 'hantunya', kalau yang siang jadi manusia, bila dah malam, kena pulak 'bulan mengambang' sunyi-sunyi, berdua-duaan macam tu, boleh je manusia bertukar jadi 'hantu'...hantu kepala hitam!

Kata mak TT, hantu kepala hitam ni lagi bahaya daripada hantu yang tak nampak dek mata.

Bukan semua, mungkin tak ada langsung, tapi tak salahkan kalau TT dan kaum sejenis TT berwaspada. Kata orang mencegah tu lebih baik daripada mengubati...menge-lak, berjaga-jaga lebih baik, bukan. Lantaklah orang nak cakap apa, daripada kalau dah terkena, siapa yang merana? Kita juga...

Cerita pasal berjaga-jaga ni, TT tertarik dengan artikel di RATU Berita Harian, baru-baru ini. Lebih ramai suri rumah menghadapi HIV berbanding pekerja seks! Macam mana tu? Berdasarkan kajian, pekerja seks ni walaupun kerjanya memberikan perkhidmatan seks tapi dia melakukannya dengan cara selamat. Cara selamat tu TT fahamlah walaupun tak kahwin lagi, pakailah apa-apa alat perlindungan yang ada, bukan?

TT teringat satu ketika dulu, orang dok marah gila dekat Datin Paduka Marina Mahathir apabila dia pada masa tu,

buat kempen HIV/Aids, edar kondom, terutama kepada pekerja seks. Ramai bising, Marina ni nak menggalakkan seks bebas.

Kata Marina bukan itu tujuannya. Dia nak pekerja seks ni dan semualah yang dok amalkan seks bebas ni (ramai je kan), kalau dah susah sangat, tak boleh dah tinggal-kan seks bebas tu, gunalah alat perlindungan. Nafsu memang dah tak boleh nak kawal tapi sekurang-kurangnya gunalah akal.

Mungkin pasal ni lah, kita sekarang ni terbeliak jugalah biji mata baca statistik - lebih ramai suri rumah yang menghadapi HIV/Aids daripada pekerja seks. Yalah, ingat dah

kahwin, hubungan pun dengan suami je, halal, takkanlah nak jaga-jaga, siap pakai alat perlindungan.

"Wanita tidak mampu berbincang dengan suami untuk mengamalkan seks selamat, termasuk meminta suami menggunakan kondom selain takut bertegas atau dikasari jika melakukan hubungan tanpa penetrasi dikatakan antara sebab mengapa kes HIV meningkat di kalangan suri rumah.

"Selain itu, sikap terlalu percayakan pasangan, selesa dengan maklumat kesihatan diri suami sebelum ini, di samping tiada pilihan serta takut didera secara fizikal dan emosi apabila mempersoalkan status kesihatan suami menyebabkan wanita mengambil sikap berdiam diri sedangkan menyedari, dirinya berisiko tinggi dijangkiti HIV menerusi hubungan kelamin." - RATU, Berita Harian.

TT nak cakap apa lagi? Lelaki...TT tulis, kupas lebih-lebih bab ni karang, ishyyy... ada yang datang serang TT kat pejabat nanti. Tapi nak cakap macam mana dah kan, kalau satunya nafsu golongan itu, ada ketikanya mengalahkan nafsu haiwan.

info

Teksi Wanita

- 03-80240507,
- 03-26926000
- 03-88884020

